

東江詩鈔

三

東江詩鈔 (清) 唐孫華撰

上海古籍出版社出版

(上海福州路五號)

上海市印刷七廠印刷

各書店上海發行所發行

各地經售

一九七九年十二月第一版

一九七九年十二月第一次印刷

開本：六一〇乘一三七二毫米十二分之一

印張：四十五又六分之五 印數：一六〇〇部

統一書號：一〇一八六·二四七 全三冊 線裝 定價：十五元

東江詩鈔卷第八

太倉唐孫華實君橐

受業


歸巢雲編

抱灌軒雜興

野岸青蕪合茅齋白日長
草深難覓路樹密不成行
枝蔓風鳴竹檐虛雨入廊
衰年疲應接只合老江鄉
鄰圃遙相接虛亭衆綠圍
櫻桃時正熟豆莢雨初肥
徑僻通來往村間少是非
過從多野老坐對語忘機

連雨

黑雲蔽曾穹急雨駭滿濤
金鴉濕不翔纖阿逝安適
冥冥失昏曉淙淙竟日夕
貧突斷炊煙陋巷少行跡
平陸

身言金卷八
將行舟階除但響屐漂搖杜陵茅狼籍文通麥潮連海
氣黃風捲浪花白膏潤由彼蒼母乃濫恩澤跳舞恣魚
鰕呼鳴沸蠹蠅豈知隴畔夫隱憂在墊溺頗聞淮北旱
阪田欲龜坼吾鄉本沮洳百川愁汎溢宜使挹注均彼
此遂畊穫天意知如何默默坐歎息

玫瑰

和友人詩

籬落尋常種瓊瑰浪得名聞香甘醞蜜駐色擣和飴避
刺褰衣摘眠鬟壓枕輕偏宜閨閣愛兒女最留情

鮒魚

聲價伊鮒重

鮒魚似鮒

江鄉薦味新取腴餐耐骨惜美煮兼

鱗防餒冰花護遮頭柳葉勻家家石首饜此物尚稱珍

麥蠶

夏穉將成候蠕蠕綠滿匙色鮮如乍浴縷細欲抽絲軟
喜登盤早纖疑上箔遲甸人初獻麥正是采桑時

夏日小雨

生平畏炎夏晝長不可度赤燂有張弛涼颼生遠樹清
雲時往來斜陽照疎雨颯然如已秋輕扇屏紈素茗粥
幸簷供餘事非所慕展書竟忘疲賞心時一遇徐起視
庭陰黯黯日將暮

輓錢再亭京兆

清卿才譽重巖廊京尹丰稜比趙張三輔移風傳約束
四方動色誦封章活人共賴黔敖粥濟物思開汲黯倉

知有遺民修巷祭富春江畔是桐鄉

曾爲富陽令

育嬰堂得一女軒渠笑悅秀慧可喜葛韋齋廣文
見而異之因撫之爲女賀之以詩

眉眼清妍骨相殊采芝何必問根株乍離葦篋驚頭玉
才脫泥塗即掌珠弱女先教娛靖節多男行復慰商瞿
投懷一笑由天合拾取嬌凰引鳳雛

輓王南湖郡丞

軒然玉立出人群富貴俄看過眼雲硯難平肝膽在
交游雖雜品流分常情豈盡祛三惑正氣終能壯一軍
阿騫悲啼兒女泣重泉何路遣相聞

籠霄勝氣亘長虹共許他年位望通材比淵阿鋒太甚

胸無城府物旋融一官跋涉翻成病萬事縈纏不悟空
蕉鹿早知宵夢短驪駒何苦別恩恩

次和酬愷功院長見懷一百韻

咳唾天邊落音書野外遲瑤華煩遠寄瓊樹最相思避
世東方朔忘形南郭綦功名成昔夢攔笏散兒嬉研席
思歡聚篇章互贈貽灰心吾兀兀勤業爾孜孜斐几同
攤卷甘泉共酌蠡勝流宗北海高會集南皮字做鵝群
帖文成雞卵碑見晉書戴逵傳六經裁衆說三史析群疑上相
推門第周廬豈職司紛華捐嗜好理義問津涯目訝連
行下辭非倩手爲風謠窮正變體製辨淳漓威鳳終摩
漢神駒不受羈名園對掩曖曲沼蕩淪漪神美如新柳

心舒異卷施無慚鄴下作誰數蔡家兒英利初研刃聰
明脫穎雖朱絃流逸響白壁絕微疵觸長眞吾友因心
不待師挾輶君自壯蒐乘我先疲未厭侯羸老能容懷
祖癡堆槃珍果美稱體紵衣宜精鏹時分給華鏹許借
騎才應趨鶴禁賦合奏龍池地迴星辰逼天垂雨露滋
暫時聊隱豹暇日共聽鸛異敏通淵照微長取管窺西
山招翠靄南陌接逶迤自愛興居適何愁寒暑移雜花
翻煖豔遠樹送涼颼爽夕聞清籟晴檐曝晚曦轉胞慵
數起敝手未停披倦讀嘗燒髮劉孝標事微吟每斷髭耽書
眞帶癖鬪韻比爭碁幸有梁園樂都忘越客悲荀郎誇
少貴洗馬羨風姿室藹芝蘭氣家傳孝友規爐煙縈甲

煎硯匣暎琉璃燕坐如齋肅賓筵厭舞傲誰汙江敷榻
常閉董生帷牕靜嵐光入林疎月影篩拂箋鋪淨滑搖
管散英蕤源本揆周雅芬香擷楚詞文瀾驚滉漾墨浪
注瀰漸閣用藜燃火廚羞蠟代炊彥昇新有筆近作古文甚佳
康樂久稱詩君喜先鳴早余慚再鼓衰每聞頻換綬無
復共銜卮雲罕時陪從星輶數載馳涼陁張毳幕絕漠
度駝驪馬邑銷殘壘龍庭訪故祠鑿氷充茗飲梯木陟
高危莫憚勤勞慣仍誇際遇奇遲歸分禁燭宣召趣
金羈造膝依丹地承恩上赤墀金鑾居首席玉笋競肩
隨自愧孤生竹難縑獨繭絲苑枯根種別升墜道塗岐
拂袖辭閭闔還家臥水湄僕僮嫌欲去僚友棄如遺挂

誤緣疎拙咨詢荷

聖慈

曾蒙語垂問

天始知登仕路終是

藉門基烏鵲徒三匝鷦鷯但一枝玉沉同瓦礫荃化委

茅茨屋借藤蘿補牀將錦石支悠悠常若此惘惘欲何

之持斧因芟樹腰鎌爲刈葵歸田事農扈擊壤頌伊祁

華茂看榮木蕭條賦病梨齒從前日落髡異昔年緇軒

冕誠何有林彷彿自怡罷官閒亦得懷友見無期白簞

供高枕青松挂接籬任教藜榻敝休乞草堂資簷尹方

端策文君早遇著

文君爲我端著見張平子賦

恩溪瞻北闕身遠落

南陔歲歉逢淫潦塗窮即險巇

江南大水田皆漂沒陌頭驅轂鯨

簷畔聽芻尼

藏經呼喜鵲爲芻尼

稻壠連河沒葭牆帶戶敲寢驚

愁壓溺室小厭喧早日出江雲翳風狂海浪吹懶擡看

世眼常蹙向隅眉羽扇三秋氣羊裘五月時

甚寒

文難

通狗監友欲訪牛醫衣帶頻年緩形容逐歲虧清狂疎

禮法褰袒闕威儀頗戀桃笙穩行煩竹杖持徵求貧到

骨關鬲冷侵脾良會曾交臂微言各解頤未隨劉尹舫

劉惔遇張憑便與同載至都

空盼陸郎騅寵渥人誰並文章世共推

近聞星使節遠至下句麗

高麗曾改名下句麗見漢書

不羨金如粟

居然橐竟垂

聞郤高麗餽物

山川雲縹渺鵬鷃影參差老欲謀

魚麥飢難問肉糜采蕭嗟久別贈藥感將離舊客存枚

乘新篇愛項斯索居無善狀聊報故人知

附錄原倡

高麗使館中作

揆叙

持節朱蒙遠停車白日遲恒牽行客夢彌軫哲人思

自昔陪歡賞終年接履綦晨昏勤砥礪寒暑共娛嬉
經向窗前授書從帳裏貽藝林頻矻矻藻苑競孜孜
敢冀升堂與惟期測管蠡裙新書白練几淨拭烏皮
泛覽周南史流觀洛下碑陳編容蠹蝕奇字質狐疑
淹博推劉杳清華替左司文峰高莫竝學海浩無涯
撰述嘉名著詞章餘事爲敲銅元敏捷染翰獨淋漓
巧類衣無縫豪踰馬不羈繁英爭爛熳曲沼映漣漪
逸韻飄蘭蕙詞場埽葉施靈均堪命僕德祖合稱兒
自愧頑如石淡慙利若錐雙聲糾錯繆八病指瑕疵
曾勉三冬學非同一字師微哦先失喜雖誦竟忘疲
娛我如黃妳從人笑白癡城闌情已適郊墅興偏宜

紫陌常偕出金鞍每並騎尋芳穿小徑袂袂向通池
柳借和風軟花含宿雨滋班荆依碧草把酒聽黃鸝
船度魚知避窗開鶴解窺韶華仍澹沲麗景漸逶迤
席爲臨流設牀因選樹移西山招爽氣北牖納涼颼
素節回招矩朱炎謝赫曦梧桐陰錯落菡萏影敷披
延客開青眼謂他山師留僧對赤顚謂輪菴升沉嘖響卜得
失陋圍碁排日翻嫌短逢秋不解悲菊花呈晚態楓
葉鬪妍姿玉瑄專調氣銀蟾正滿規畦收紅穉稭池
甃碧琉璃都入連宵咏還容屢舞傲沍陰纔應律朔
氣忽侵帷靄黷雲如纈續紛雪似篩庭空鋪木屑瓦
冷聚璇甃彷彿王維畫依稀謝女詞林凋封直榦河

凍咽流澌燈熬魚油暗爐添獸炭炊試揮鏤管筆同
和聚星詩白戰才偏健清吟興未衰迎年齊聽鼓守
歲共操卮冉冉星霜換騰騰節序馳歡情方狎鷺別
緒遽歌驪路指滕王閣途經孝肅祠鞋山形峭拔湓
浦浪驚危懸水窺三疊層峰問九竒搜羅歸卷帙登
覽忘孤羈再入青門市還登白玉墀銓曹推簡要翰
苑許追隨每待宮中漏仍封閣上絲班聯方接武行
役又臨岐判袂燕臺畔持衡浙水湄冰壺人盡仰玉
尺士無遺步屨尋靈隱肩輿訪淨慈六橋徵故事三
竺訊遺基夜月潮千丈秋風桂幾枝微官拋組綬初
服返茅茨閣小迎陽啓廊空倩石支歸田效平子誓

墓比羲之家種王猷竹園滋鮑照葵朝盤堆苜蓿夕
膳煮黎祁沼畔青荷葉枝頭紫爛黎江湖娛釣弋京
洛厭塵緇好事憑誰過緇書祇自怡五車侔惠子三
臘辦家資辛苦惟嘗蓼窮通豈問著高情棲里閨別
路向邊陲水涉窮沿溯山行歷嶮巇草枯愁朴渥月
黑喚伊尼委霰裘偏薄迎風帽屢敲雲深藏日暗嶺
峻逼天卑羶覆穹廬重聲哀聲策吹有沙皆眯目無
處可伸眉形隔三千里心懸十二時自嗟身是患翻
悔俗難醫江闊魚書斷天長雁帛虧兩因叨扈從重
得覩光儀宿好樽前洽新篇意外持鶯花娛耳目冰

雪沁肝脾接席歡，携手聯牀笑脫顚。
含情迴盡舫何計，駐班騅返轡春光暮。
嚴裝夏令推，逡巡辭易水。迢遞涉高麗，山接金郊秀。
泉凝玉溜垂，清川波浩渺。松岳勢參差，歷境增聞見。
祛煩乏茗糜，舊遊多撥觸。昨夢轉迷離，隔闊還如此。
淹留獨在斯，新羅與茂苑。兩地不相知。

秋日酷暑焦旱偶成

執熱何時休，延首望西顚。如何秋序至，金弱火彌燥。
零雨無涓滴，百物盡枯槁。刺體憎絺綌，流汗怯織縞。
竒峰散層雲，長河涸水草。有時雷殷殷，俄變日杲杲。
土龍竟無靈，空煩舞雩禱。人事安所施，吁嗟仰蒼昊。

初夏苦淫霖百川漲皆滿窪田成通渠漂沒不可算及
茲兩月晴皐壤焦禾稈游雲不遮日燄燄張火繖招矩
怯不前赤燂氣轉悍人作毫烏謔苗如吳髮短餓死亦
尋常炊煙幸未斷那將方寸心愁水復愁旱

皇天無膏澤何有地上毛桔槔喧晝夜念此農夫勞火
雲時往來炎風烈如燒閨中有病婦咄嗟相煎熬我命
當孤窮隨逐得汝曹俯仰迫身世內熱增鬱陶室家實
杻械拳桎安能逃思欲棄妻子汗漫從盧敖

吾嘗聞月令七月來涼風及茲七月杪蘊隆益蟲蟲川
渠斷舟楫良田沒蒿蓬愧非東先生無由格蒼穹朝驚
初日赤暮見鮮霞紅微軀恐銷鑠將爲大冶銅所憂蒸